



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU



# Relatório Institutionál

Rua Beco Lakateu, Aldeia Manu fui,  
Suku Colmera, Administrativu Vera Cruz  
Dili Timor Leste  
PoBox: 275  
Telefone: 3323883 | 77295795

[www.jsmp.tl](http://www.jsmp.tl)  
Facebook: [www.facebook.com/timorleste.jsmp](https://www.facebook.com/timorleste.jsmp)  
Twitter: @JSMPtl

## Tabela Konteúdu

<b>Kona-ba JSMP .....</b>	<b>3</b>
Vizaun .....	3
Misaun .....	3
Istória.....	3
Servisu.....	3
Organograma .....	4
Asembleia Jerál .....	5
Konsellu Diretivu/Board JSMP .....	6
Konsellu Exekutivu .....	7
Estrutura Organizacionál.....	8
<b>Introdusaun husi Diretor .....</b>	<b>9</b>
<b>Monitorizasaun ba Tribunál 2017 .....</b>	<b>10</b>
<b>Monitorizasaun ba Parlamentu Nasional (PN) .....</b>	<b>16</b>
<b>Treinamentu iha komunidade no Eskola Sekundária .....</b>	<b>19</b>
<b>Semináriu Rejionál .....</b>	<b>21</b>
<b>Publikasaun .....</b>	<b>22</b>
<b>Rádiu no Televizaun .....</b>	<b>23</b>
Rádiu.....	23
Televizaun .....	23
<b>Enkontru, Audénsia no Advokasia.....</b>	<b>24</b>
Eventu Nasional sira .....	24
Eventu sira Rejionál & Internasional.....	26
<b>Dezempeñu no kapasitasau pesoal .....</b>	<b>27</b>
Formasaun/Workshop .....	27
<b>Organiza Treinamentu Rejionál Hamutuk ho Parseiru Internasional .....</b>	<b>28</b>
Diplomacy Trainning Program (DTP).....	28
<b>Relausau no Kooperasaun ho ONG Nasional &amp; Internasional .....</b>	<b>29</b>
ONG Lokal .....	29
Forum Asia ba Direitu Umanu no Dezenvolvimentu (Forum-Asia) .....	29
Amnistia Internasional (AI).....	29
Relasaun no Kooperasaun ho Universidade Lokal no Estrażeiru.....	30
Enkontru entre Asembleia no Konsellu Ezekutivu ho Konsellu Diretivu (Board) .....	31
<b>Kaderizasaun .....</b>	<b>32</b>

Enkontru ho Doadór .....	33
Halibur osan/Fundraising .....	34
Orsamentu 2017 .....	35
Atividade 2018 .....	36

## Kona-baJSMP

### VIZAUN

Sosiedade demokrátiku ne'ebé grarante justisa no direitu umanu ba ema hotu

### MISAUN

JSMP sei servisu ho espíritu kolaborativu hodi promove no proteje demokrasia, lei, justisa no direitu umanu liuhosi:

### ISTÓRIA

Programa Monitorizaun Sistema Judisiál (JSMP) estabelese iha 28 Abril 2001 iha Dili, Timor-Leste hodi monitoriza prosesu Tribunál Direitu Umanu Ad Hoc iha Indonézia no Painél Espesiál kona-ba Krime Grave iha Timor- Leste.

Agora daudaun, JSMP eziste hanesan organizasaun la buka lukru ka *not-for-profit* ne'ebé servisu atu hadi'a no haforsa sistema judisiáriu no lejizlativu iha Timor-Leste.

Monitorizaun

Edukasaun


Advokasia

### SERVISU

JSMP hala'o atividade monitorizaun ba prosesu julgamentu iha Tribunál Distritál (TD) haat no Tribunál Rekursu (TR), nune'e mós relata dezenvolvimentu iha sistema justisa formál. JSMP mós monitoriza atividade Parlamentu Nasional nian no komisaun sira, partikularmente Komisaun A. JSMP normalmente prodús relatóriu anuál, relatóriu temátiku, sumariu kazu, komunikadu imprensa, no analiza asuntu temátiku iha setór justisa no lejizlativu no hakerek submisau baezbosu lei sira ne'ebé prodús hosi Governu no Parlamentu Nasional.

JSMP mós fornese edukasaun legál ba komunidade sira hanesan parte ida atu hasa'e komunidade sira-nia koñesimentu no kompriensaun kona-ba sistema justisa formál, lejislativu, demokrasia no direitu umanu. JSMP servisu ho komunidade, polísia, grupu feto, autoridade lokál, Konsellu Suku, estudante no jornalista sira atu atinze nia vizaun no objetivu estratéjiku sira.

## ORGANOGRAMA



## ASEMBLEIA JERÁL

### **Presidente:**

Flora Soariano Menezes

### **Vise Presidente:**

Jose Pereira

### **Membru:**

- |                                    |                                     |
|------------------------------------|-------------------------------------|
| 1) Luis de Oliveria Sampaio        | 16) Elvino Sarmento Freitas         |
| 2) Casimiro dos Santos             | 17) Eurosia Maria Almeida de Fátima |
| 3) Nani da Cruz                    | 18) Emanuel R. Soriano              |
| 4) Yoseva Sugiyarti dos Reis       | 19) Lidia Borges da Silva           |
| 5) Ana Paula Marçal                | 20) Mateus Xavier                   |
| 6) Jose Maria Moniz                | 21) Paulo Nunes                     |
| 7) Florindo Gusmão Freitas         | 22) Jaime Vaz                       |
| 8) Cristovão da Costa Napoleão     | 23) Deoneia Barreto dos Santos      |
| 9) Osorio Jose da Conceição        | 24) Manuel Rui da Cunha             |
| 10) Rita de Jesus Guterres         | 25) Adão da Cruz Fernandes          |
| 11) Adolfo Soares                  | 26) Luis Soares                     |
| 12) Francisca da Silva             | 27) Jesuinha Manuela Correia        |
| 13) Aida Helena Parada             | 28) Marcelino Maria da Costa        |
| 14) Ingrasia Pereira da Costa Maia | 29) Otavio Hornai                   |
| 15) Filomena de Almeida            |                                     |

**Prezidente:**

Sr. Joaquim da Costa, Kordenador ba Fundu Sosiedade Sivil ba PM

**Vise Prezidente:**

Sr. Aniceto Neves, Dosenti Fakuldade Siensia Sosiál Politika UNTL

**Membru sira:**

Dr. Ivo Valente, Eis-Ministru Justisa RDTL

Sr. Jose Neves, Vise-Ministru Edukasaun Kultura

Sra. Eurosia Maria Almeida de Fátima, Peskizadora JSMP

KONSELLU DIRETIVU/BOARD JSMP

## KONSELLU EXEKUTIVU

**Prezidente:**

Luís de Oliveira Sampaio (Diretór Ezekutivu)

**Vise Prezidente:**

Casimiro dos Santos (Vise Diretór)

**Membru:**


Ana Paula Marçal (Koordenadór LRU)

Flora Soriano Menezes (Koordenadór UTA)

José Pereira (Koordinadór POP)

Yoseva Sugiarty (Jestora Finansa)

## ESTRUTURA ORGANIZACIONAL



JSMP ho orgullu dala ida tan ho susesu ne'ebé hetan durante tinan 2017. Susesu ne'e parte hosi kontribuisaun no servisu maka'as hosi parte jestaun no pesoál sira programa nian, inklui apoiu sira ne'ebé parseiru sira oferese mai JSMP. Ne'eduni JSMP la haluha atu agradese parte hotu ne'ebé kontribui ba susesu ne'ebé JSMP hetan iha durantetinan fiskál ida ne'e.



Iha 2017 JSMP konsege halo monitorizasaun ba kazu krime no sivíl iha tribunál sira hotu hamutuk 831, número ne'ebé la dook hosi número kazu ne'ebé JSMP monitoriza iha tinan-tinan sira liu

ba. JSMP mós konsege halo monitorizaun ba sesaun plenaria hamutuk 47 hosi totál plenaria 78 no enkontru Komisaun A hamutuk 23 hosi totál 40. JSMP halo audénsia no hatama submisau ba Parlamentu Nasional hamutuk 5, haruka paraser ida ba Presidente Repúblika, halo audénsia no hato'o paraser 2 ba komisaun A no bankada parlamentár sira inklui halo audénsia no hatama paraser ida ba Komisaun Reforma Lejizlativa. Aleinde ne'e, JSMP mós fornese formasaun ba komunidade rurál hamutuk 24 no estudante eskola sekundáriu hamutuk 9. JSMP mós prodús sumáriu kazu 45, relatóriu temática 4 no relatório anuál hamutuk 3, komunikadu imprensa 60, artigu ba jornál 96, programa rádiu 4, programa TV 2, bulletin 12 no broxura 750.

Durante tinan 2017, JSMP hetan apoiu hosi doadór internasional lubuk ida ne'ebé iha komitmentu ba dezenvolvimentu sistema justisa no demokrásia iha Timor-Leste. Doadór sira ne'e mak hanesan The Asia Foundation (TAF) nia Programa Nabilan-liuhosi Governu Australia, Embaixada Norwega iha Jakarta, Embaixada Finlandia, Governu Austrália liuhosi Embaixada Austrália, Embaixada Canada no Fundu Sosiedade Sivil iha Gabinete Primeiru Ministro nia okos.

JSMP kontinua fornese informasaun ba públiku kona-ba sistema justisa formál no prosesu lejizlativu iha Timor-Leste liuhosi meiu habelar informasaunsira mak hanesan programa rádiu, programa televizaun, komunikadu imprensa no artigu ba jornál, website, Facebook, Twiter no lista e-mail JSMP nian.

JSMP mantein ho nia programa sira no nafatin iha kompromisu atu implementa atividade sira hotu ihaparte monitorizasaun ba tribunál no parlamento, edukasaun legál ba komunidade no advokasia atu atinze nia vizaun ba sosiedade demokrátiku ida ne'ebé garante justisa no direitu umanu baema hotu. JSMP sei kontinua hametin relasaun ho parseria lokál no internasional sira. JSMP espera katak ho sira nia apoiu, JSMP bele kontinua nia servisu iha futuru ho resultadu no progresu ne'ebé di'ak no boot liu tan.

Dili, 27<sup>th</sup> Abril 2018

Luis de Oliveira Sampaio, Diretor Executivo

Monitorizasaun ba Tribunál 2017



TRIBUNÁL	KAZU KRIMI	KAZU SIVÍL
Tribunál Rekursu	0	0
Tribunál Distritál Baukau	228	0
Tribunál Distritál Dili	273	2
Tribunál Distritál Oekusi	192	0
Tribunál Distritál Suai	136	0
<b>TOTAL</b>	<b>829</b>	<b>2</b>
		<b>831</b>

TABELA 2: NÚMERU AUTÓR JUDISIÁRIU SIRA IHA ENTRE PRIODU 2013-201

OUTÓR JUDISIÁRIU	2013	2014	2015	2016	2017
Juíses	36	40	34	34	34
Prokuradór	39	40	32	32	30
Defensóres Pública	26	40	30	30	30
Ofisiál Justisa	115	113	113	113	166
Tradutór	11	9	12	12	17
Functionáriu Administrasaun	-	54	77	77	127
<b>TOTÁL</b>	<b>227</b>	<b>293</b>	<b>298</b>	<b>298</b>	<b>404</b>


Númeru autór judisiáriu sira iha períodu 2016 no 2017 la aumenta tanba formasaun iha Sentru Formasaun Judisiáriu (CFJ) paradu foin komesa iha iha fulan Maiu tanba formadór sira hetan duni ka espulsa liuhosi rezolusaun Parlamentu Nasional iha 2014.

Númeru prokuradór tun hosi 32 ba 30 tanba iha prokuradór ida mak muda ba iha Polisia Sientifiku Investigasaun Kriminál (PSIK) no ida mak mate.


**GRÁFIKU 1: VARIASAUN NÚMERU KAZU NE'EBÉ JSMP MONITORIZA HOSI PERÍODU 2015 - 2017**



**GRÁFIKU 2 NÚMERU KAZU TUIR TIPU KAZU**



### GRÁFIKU 3 -VARIASAUN KAZU VD NE'EBÉ JSMP MONITORIZA ENTRE 2015-2017




Totál kazu krime ne'ebé JSMP monitoriza no rejista kada tinan hosi tribunál distritál haat (4), kazu VD konstitui kuaze sorin-baluk hosi totál kazu krime. Iha 2015 iha kazu VD 434 ka 38% hosi totál kazu 1138, iha 2016 kazu VD hamutuk 416 ka 44.2% hosi totál kazu krime 941 no iha tinan 2017 JSMP kosenge monitoriza kazu VD hamutuk 400 ka 48% hosi totál kazu 831.

Iha gráfiku 3 hatudu katak variasaun númeru kazu VD ne'ebé JSMP monitoriza nafatin aas, mezmuke gráfiku ne'e tun uitoan hosi 2016 ba 400 iha tinan 2017.


Númeru kazu VD ne'ebé aas iha juridikasaun Timor-Leste ne'e hatudu katak komunidade sira barak mak iha ona koñesimentu kona-ba VD nu'udar krime público ne'ebé presiza hato'o keixa ba instituisaun relevante hodi bele prosesa tuir justisa formal hanesan meus formal ida ba familia hodi oinsa bele prevene aktu krimi VD ba futuru.

Hosi parte seluk, númeru ne'ebé tun uitoan ne'e mós signifika implementasaun lei kontra violénsia doméstica no desiminasaun informasaun ne'ebé JSMP no instituisaun relevante sira seluk halo ba komunidade sira iha ona impaktu positivu ka susesu iha termu prevensaun nian. Nune'e importante atu kontinua habelar informasaun ba komunidade sira, liu-liu iha area rurál.

GRÁFIKU 4: NÚMERU TIPU KAZU SIRA NE'EBÉ ENVOLVE LABARIK SIRA HOSI IDADE TINAN 0 – 16 IHA 2017




GRÁFIKU 5 VARIASAUN KAZU INSESTU ENTRE 2015 - 2017




Numeru kazu incestu ha'at (4) iha tinan 2017, mezmuke nia nú menus kompara ho kazu sira seluk, maibé eziste iha ita-nia komunidade nia leet. Kazu ne'e dala barak tribunál kondena ho krime abuzu seksuál ba menór bainhira vítima sei iha ida menór no krime violasaun sekuál bainhira vítima iha idade adolexente ka adultu no la iha konsentimentu. Bainhira vítima adultu ona. No iha parte seluk tribunal kontinua absolve kazu incestu ho konsentimentu, tamba tribunál konsidera lei ne'ebé prevee incestu nu'udar krime seidauk iha.


**GRÁFIKU 6 VARIASAUN KAZU ENVOLVE LABARIK NE'EBÉ JSMP MONITORIZA ENTRE 2015-2017**



**GRÁFIKU 7 TIPO NO NÚMERO KAZU SIVÍL NE'EBÉ JSMP MONITORIZA IHA 2017**



Iha tinan 2017 JSMP halo monitorizasaun ba kazu sivíl hamutuk 2 ho nia tipo kazu sira mak hanesan kazu Adopsau ba labarik no kazu divorsíu ho mutu konsentimentu. Entre kazu rua ne'ebé JSMP monitoriza iha nia desizaun hetan mutu konsentimentu entre parte sira hodi kumpri desizaun tribunál nian.




**Plenaria = 47**

**Enkontru Komisaun A = 22**


Komposisaun Parlamentu Nasional iha Lejislatura III nian ho deputadu 65 ne'ebé hosi Bankada CNRT hamutuk 30, Bankada Fretilin hamutuk 25, Bankada PD hamutuk 8 no Bankada FM hamutuk 2.

Komposisaun Parlamentu Nasional iha Lejislatura IV ho deputadu 65 ne'ebé mai hosi Bankada Fretilin ho asentu 23, Bankada CNRT ho asentu 22, Bankada PLP ho asentu 8, Bankada PD ho asentu 7 no Bankada KHUNTO ho asentu 5.

**GRÁFIKU 8 - PREZENSA DEPUTADU LEJIZLATURA III SESAUN LEJIZLATIVA V HOSI JANEIRU - AGOSTU 2017**




GRÁFIKU 9 - PRODUTU LEJIZLATIVU PARLAMENTU NASIONÁL HOSI 2015-2017



Kestaun pontualidade, falta no dixiplina iha reuniaun plenaria nafatin sai preokupasaun públiku nian. Pontualidade no falta deputadu sira-nian fó impaktu ba funzionamentu Parlamentu Nasional, tanba dala barak la iha kuorum no reuniaun barak mak hahú tarde la tuir Rejimento Parlamentu nian. Deputadu barak mak falta la ho justifikasiun hanesan iha gráfiku nú. 8 leten no barak mak marka prezensa, maibé la asina lista prezensa.

Iha parte seluk, haree hosi produtividate, bainhira kompara ho sesaun lejizlativa sira iha tinan sira liu ba, iha sesaun lejizlativa dalima, Lejizlatura III nian ne'e, ho presidénsia Dr. Aderito Hugo, esforsu Komisaun A no Komisaun Eventuál sira-nian, Parlamentu Nasional konsege diskute no finaliza lei importante lubuk ida mak hanesan Lei Definisaun Titular ba Sasán Imóvel, Lei Espropriasaun, Lei Ordenamentu Teritoriu, Lei ne'ebé alera lei sira ne'ebé regula kona-ba Pensaun Mensál Vitalísia, nsst.

Gráfiku 11- Númeru partisipasaun deputadu sira Lejizlatura III iha prosesu lejizlativu iha sesau lejizlativa V iha 2017



Bainhira haree ba gráfiku partisipasaun deputadu sira-nian iha prosesu lejizlativu, hatudu katak deputadu sira la partisipa másimu. Komposizaun Parlamentu Nasionál tuir Artigu 93.2 Konstituisaun RDTL prevee katak minimu deputadu 52 no másimu deputadu 65. Númeru deputadu ne'ebé konstitui Parlamentu Nasionál iha Lejizlatura III nian hamutuk 65. Bazeia ba gráfiku iha leten, número másimu partisipasaun deputadu sira-nia iha prosesu lejizlativu 57 de'it no akontese dala ida de'it. Número másimu tuir fali mak 52 ne'ebé akontese dala 5.

Partisipasaun deputadu sira-nian iha halo lei iha Lejizlatura III nian konstitui 88% de'it no entre 88% ne'e, 60% mak número partisipasaun deputadu sira-nian entre 49 tun to'o 32. Ne'e signifika katak entre esbosu lei 15 ne'e, ezbosu lei 1 mak aprova ho partisipasaun deputadu 57, lei 5 ho partisipasaun deputadu 52 no lei 9 mak ho partisipasaun deputadu hosi 32 ba 49.

## Treinamento iha komunidade no Eskola Sekundária

**Komunidade = 24**

**Eskola Sekundária = 9**

JSMP iha 2017 hala'o treinamento ba komunidade sira iha àrea remota hamutuk suku 24 no ba estudante sira eskola primaária no sekundária hamutuk 9.

Materia sira ne'ebé JSMP fornese mak; a) Demokrasia, knaar órgaun soberanu sira-nian, partisipasaun públiku iha prosesu halo no asesu ba justisa formal; no b) Direitu Labarik sira-nian. Materia ida dahuluk fó de'it ba membru Konsellu Suku no membru komunidade no materia daruak fó ba membru Konsellu Suku, membru komunidade no alunu sira.

Objetivu mak atu hasa'e koñesimentu membru Konsellu Suku, membru komunidade no alunu sira eskola sekundária sira-nian kona-ba asuntu sira ne'e.

Participante sira apresia tebes programa JSMP nian ne'e tanba informasaun ne'ebé JSMP fahe ne'e relevante no importante tebes ba sira-nia moris loroloron iha família no komunidade.

**Demokrasia, Knaar Órgaun Soberanu sira-nian, Partisipasaun Públiku iha Prosesu halo Lei no Asesu ba Justisa**


**Direitu Labarik sira-nian**



Komunidade Suku Coliate-Leotelu, Hatulia, Ermera

Eskola Sekundaria Pública Konis Santa, Glenu, Ermera

## MAPA TREINAMENTU IHA NIVEL SUKU NO POSTU ADMINISTRATIVU NO MOS ESKOLA PRIMÁRIA NO SEKUNDARIA



## Semináriu Rejionál



Semináriu rejionál iha Tribunál Distritál Suai (TDS)



Semináriu rejionál iha Tribunál Distritál Baukau (TDB)

JSMP iha 2017 organiza semináriu rejionál 3 iha jurisdisaun Tribunál Distritál Baukau (TDB), Tribunál Distritál Dili (TDD) no Tribunál Distritál Suai (TDS).

Tópiku semináriu rejionál ne'e kona-ba demokrasia, knaar órgaun soberanu, partisipasaun públiku iha prosesu halo lei no asesu ba justisa formal.

Objetivu mak atu fasilita kontaktu direta entre membru membru líder komunitáriu sira ne'ebé partisipa ona iha treinamentu sira ne'ebé JSMP realiza ho depuadu sira no autor judisiáriu sira. Nune'e bele haforsa liu tan sira-nia koñesimentu kona-ba knaar órgaun soberanu siranian no asesu ba justisa formal.

Aleinde ne'e, sira bele diretamente foti kestaun, hato'o dúvida, komentáriu no rekomendasau sira ba deputadu sira no autor judisiáriu sira relasiona ho saída mak sira hasoru iha sira-nia komunidade

**Observasaun Jerál Setór Justisa = 1**

**Observasaun Parlamentu = 1**

**Temática = 4**

**Sumáriu Kazu = 45**

**Buletin = 12**


**JSMP Broxura = 750**

**Submisaun ba Prezidente  
Repúblika, Parlamentu no Governu  
= 5**

**Komunikadu Imprensa = 60**

**Artigu ba Jornál = 96**  
Timor Post = 816,000 copies  
Diário Nacional = 576,000 copies

**Pájina Web**  
[www.jsmp.tl](http://www.jsmp.tl)  
[www.facebook.com/timorleste.jsm](http://www.facebook.com/timorleste.jsm)



Lansamentu relatório temática kona-ba feto ne'ebé hetan violénsia doméstika no defende-an iha Tribunál

Relatóriu temátik ne'ebé JSMP prodús mak:

- 1) Feto ne'ebé hetan Violénsia Doméstika no Defende-an iha Tribunal;
- 2) Tribunál no Rezolusaun Disputa Alternativa;
- 3) Situasaun Asisténsia Legál iha Timor-Leste;
- 4) Sentensa no Violénsia Doméstika: Suspensaun ba Pena Prizaun no Kondisaun sira.

Paraser sira ne'ebé JSMP prodús mak kona-ba:

- 1) Lei ba Kriasau Odern Advogadu;
- 2) Pozisaun no hanoin JSMP nian kona-ba Lei Pensaun Mensál vitalísia;
- 3) Nomeasaun Prezidente Tribunál Rekursu;
- 4) Formasaun Governu Konstitusionál VIII;
- 5) Proposta lei protesaun labarik.

## Rádiu no Televizaun

### RÁDIU

- 1) Knaar Parlamentu Nasional iha Prosesu halo Lei;
- 2) Asuntu Insestu tenke Kriminaliza no Inklui iha Kódigu Penál;
- 3) Imunidade no Boa-Governasaun;
- 4) Direitu Labarik Epizodiu I
- 5) Direitu Labarik Epizódiu II

**Programa Rádiu = 5**

### TELEVIZAUN



**Programa TV = 1**

Imunidade no nia Impaktu ba Governasaun Di'ak

JSMP organiza debate publiku ne'ebé envolve partidu político sira no akadémiku sira hodi debate kona-ba asuntu Imunidade no nia Impaktu ba Governasaun di'ak iha otel Novo Turismo, Dili. Objetivu mak atu hatene partidu político sira nia pozisaun no kompromisu atu kombate korupsaun, tanba provizaun sira Konstituisaun no lei sira kona-ba imunidade ne'e sai hanesan obstáculo ba setór justisa atu investiga no prosesa membru Governu no Parlamentu Nasional relasiona ho kazu korupsaun.

EVENTU NASIONÁL SIRA



JSMP ho IBAHRI halo Audénsia ho Vise-Prezidente Parlamentu (sorin karuk) no Deputadu sira Komisaun A (sorin loos)  
kona-ba Lei Kria Orden Advogadu